



ŠKOLSKI ODBOR

Broj: 111/26
Blažuj, 14.1.2026. godine

Na osnovu člana 108. stav (2) tačka a) Zakona o odgoju i obrazovanju u osnovnoj i srednjoj školi u Kantonu Sarajevo (»Službene novine Kantona Sarajevo« broj : 27/24) i člana 91. stav (2) tačka a) Pravila JU «Sedma osnovna škola» Ilidža i člana 10. stav (7), (8), (9) Pravilnika o izboru, imenovanju i razrješenju direktora osnovnih škola Kantona Sarajevo (»Službene novine Kantona Sarajevo«, broj: 2/18, 32/18 i 30/19), postupajući u skladu sa Odlukom o davanju saglasnosti za imenovanje direktora JU „Sedma osnovna škola“ Ilidža Vlade Kantona Sarajevo broj: 02-04-58439-17/25 od 29.12.2025. godine, Školski odbor JU „Sedma osnovna škola“ Ilidža, na 59. sjednici održanoj dana 14.1.2026. godine, jednoglasno d o n o s i:

O D L U K U

o imenovanju direktora Javne ustanove „Sedma osnovna škola“ Ilidža

I.

Granov Kanita, magistar odgojnih nauka, imenuje se za direktoricu Javne ustanove „Sedma osnovna škola“ Ilidža.

II.

Imenovanje se vrši na mandatni period od 4/četiri godine, a mandat počinje teći od 15.1.2026. godine i traje do 14.1.2030. godine.

III.

Ova Odluka je konačna i stupa na snagu danom donošenja, a primjenjivat će se od 15.1.2026. godine, Školski odbor je dužan o istoj u roku od osam/8 dana od dana donošenja, u pisanom obliku obavjestiti kandidata koji se prijavio na konkurs.

O b r a z l o ž e n j e

Školski odbor JU „Sedma osnovna škola“ Ilidža je na osnovu člana 3. i 4. Pravilnika o izboru, imenovanju i razrješenju direktora osnovnih škola u Kantonu Sarajevo (»Službene novine Kantona Sarajevo«, broj: 2/18, 32/18 i 30/19), donio odluku o raspisivanju javnog konkursa za izbor i imenovanje direktora škole, koji je objavljen u dnevnom listu „Oslobođenje“ i na službenoj stranici Ministarstva za odgoj i obrazovanje Kantona Sarajevo, dana 20.10.2025. godine, te imenovao Komisiju koja provodi proceduru koja prethodi proceduri izbora i imenovanja direktora/direktorice.

Nakon provedenog propisanog postupka, Školski odbor je na sjednici održanoj dana 11.12.2025. godine, donio Odluku da je kandidat Granov Kanita, magistar odgojnih nauka, izabrana za direktora JU „Sedma osnovna škola“ Ilidža.

Poštujući odredbe člana 10. stav (3) Pravilnika, Školski odbor je Odluku o izboru kandidata za direktora škole, dostavio sa kompletnom dokumentacijom proisteklom u predmetnoj konkursnoj proceduri dana 17.12.2025. godine, putem Ministarstva za odgoj i obrazovanje KS, Vladi Kantona Sarajevo, radi pribavljanja saglasnosti za imenovanje Granov Kanite za direktora JU „Sedma osnovna škola“ Ilidža, na mandatni period od 4/četiri godine.

Vlada Kantona Sarajevo je dana 29.12.2025. godine donijela Odluku o davanju saglasnosti za imenovanje direktora Javne ustanove „Sedma osnovna škola“ Ilidža, broj: 02-04-58439-17/25, kojom je data saglasnost Školskom odboru JU „Sedma osnovna škola“ Ilidža, da imenuje Granov Kanitu, magistra odgojnih nauka, za direktoricu škole, a predmetna Odluka zaprimljena je u JU „Sedma osnovna škola“ Ilidža, dana 9.1.2026. godine, protokolirana pod brojem: 98/26.

Školski odbor imajući u vidu prethodno navedeno, shodno odredbama člana 108. stav (2) tačka a) Zakona o odgoju i obrazovanju u osnovnoj i srednjoj školi u Kantonu Sarajevo (»Službene novine Kantona Sarajevo« broj : 27/24), člana 91. stav (2) tačka a) Pravila JU «Sedma osnovna škola» Ilidža i člana 10. stav (7), (8), (9) Pravilnika o izboru, imenovanju i razrješenju direktora osnovnih škola Kantona Sarajevo (»Službene novine Kantona Sarajevo«, broj: 2/18, 32/18 i 30/19), donosi odluku kao u dispozitivu.

Pouka o pravnom lijeku: Učesnik konkursa koji je nezovoljan odlukom o imenovanju direktora, u roku od 30 dana od dana dobijanja obavještenja o imenovanju direktora, ima pravo pokrenuti radni spor pred nadležnim sudom.

Dostavljeno:

- A/a;
- Prijavljenom kandidatu;
- Oglasna ploča škole i Web stranica škole;
- Dosije imenovanog;

Predsjednica Školskog odbora

/Maluhija Emina/

Ul. Blažuj 118, 71215 Blažuj; Tel: 033/761-630, fax: 033/761-631; ID: 4200165070007

e-mail: sedma.os@bih.net.ba web: <http://www.sedma-osnovna.edu.ba/>